

**ODLUKA
O PRIHVATANJU ZADUŽENJA PO SPORAZUMU O ZAJMU IZMEĐU
MEĐUNARODNE BANKE ZA OBNOVU I RAZVOJ I BOSNE I
HERCEGOVINE ZA FINANSIRANJE PROJEKTA UNAPREĐENJA
ZDRAVSTVENIH SISTEMA**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), Parlament Federacije Bosne i Hercegovine je, na sjednici Predstavničkog doma, održanoj 27.7.2022. godine i na sjednici Doma naroda, održanoj 25.3.2024.godine, donio

**ODLUKU
O PRIHVATANJU ZADUŽENJA PO SPORAZUMU O ZAJMU IZMEĐU
MEĐUNARODNE BANKE ZA OBNOVU I RAZVOJ I BOSNE I HERCEGOVINE ZA
FINANSIRANJE PROJEKTA UNAPREĐENJA ZDRAVSTVENIH SISTEMA**

I

Prihvata se zaduženje Federacije Bosne i Hercegovine (u daljem tekstu: Federacija BiH) po Sporazumu o zajmu između Međunarodne banke za obnovu i razvoj (u daljnjem tekstu: IBRD) i Bosne i Hercegovine (u daljnjem tekstu: BiH), za realizaciju Projekta unapređenja zdravstvenih sistema (u daljnjem tekstu: Projekat), u iznosu do 19.240.000,00 EUR-a od ukupno 67.300.000,00 EUR sredstava odobrenih za Bosnu i Hercegovinu.

II

Sredstva zajma iz tačke I ove odluke koristit će se za finansiranje Projekta unapređenja zdravstvene zaštite u Federaciji Bosne i Hercegovine. Primarni cilj Projekta je unapređenje kvaliteta zdravstvenih usluga, kao i finansijskog stanja zdravstvenih sistema u Federaciji BiH. Projektom će se omogućiti dalje uvođenje informacionih i komunikacionih tehnologija (IKT) u sistem zdravstva.

III

Sredstva zajma iz tačke I ove odluke odobravaju se Federaciji BiH pod sljedećim uslovima:

- iznos zajma.....19.240.000,00 EUR
- rok otplate.....32 godine
- grace period.....7 godina (uključen u rok otplate zajma)
- kamatna stopa.....šestomjesečni EURIBOR + fiksna marža
- jednokratna provizija.....0,25 % na iznos glavnice zajma
- dospijeća.....polugodišnje u jednakim otplatama glavnice
- datum plaćanja glavnice i kamata.....15. januar i 15. juli svake godine
- provizija na nepovučeni iznos zajma.....0,25 % godišnje.

IV

Potvrđuje se da je razmatrana dokumentacija prihvatljiva za Federaciju BiH, a posebno:

- Zapisnik sa pregovora;
- Nacrt Sporazuma o zajmu između IBRD-a i BiH;
- Nacrt Projektnog sporazuma između IBRD-a i Federacije BiH;
- Dokument o procjeni Projekta (PAD).

V

U periodu implementacije Projekta, u budžetu Federacije BiH nije potrebno osigurati finansijska sredstva za dodatno sufinansiranje Projekta.

Projekat će implementirati Jedinica za implementaciju projekta, formirana pri Federalnom ministarstvu zdravstva.

VI

Daje se saglasnost za zaključivanje Supsidijarnog sporazuma između BiH i Federacije BiH za sredstva zajma iz tačke I ove odluke.

Za potpisivanje Supsidijarnog sporazuma ovlašćuje se federalni ministar finansija.

VII

Za realizaciju ove odluke i izvještavanje zadužuju se Federalno ministarstvo finansija i Federalno ministarstvo zdravstva, svako u okviru svoje nadležnosti.

VIII

Implementacija Sporazuma iz tačke I ove odluke ne zahtijeva donošenje novih ili izmjenu postojećih zakona.

IX

Ova odluka stupa na snagu narednog dana od dana objavljivanja u "Službenim novinama Federacije BiH".

PFBiH, broj: 01,02-11-1368/22
Sarajevo, 25.3.2024.godine

PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BiH

Mirjana Marinković - Lepić

PREDSJEDAVAJUĆI
DOMA NARODA
PARLAMENTA FEDERACIJE BiH

Tomislav Martinović